

SCRIPT OF EVENING GOJRI NEWS BULLETIN 14NOV 2025 1700 HRS

ایونینگ گو جری نیو ز بلیٹن مو رخہ 14 نومبر 2025

HEADLINES

۱. بہار اسمبلی انتخابات مانہ این ڈی اے غی شاندار جیت در پیش قدمی جاری ہے۔
۲. نگرہ نشست ور بی جے پی غی برتری برقرار رہتا واں دیویانی رانا نے 24647 ووٹاں تیں شکست دتی جدکہ بڈگام اسمبلی سیٹ پی ڈی پی نے این سی تیں جیت لی۔
۳. لیفٹیننٹ گورنر منوج سنہا نے وندے ماترم گا 150 سال مکمل ہو گا اختتامی تقریب مانہ شرکت کرتا واں کہیو کہ ہر بھارتی غا دل مانہ ایک اندرونی نغمو بسے تے وہ نغمو وندے ماترم ہے۔
۴. جموں کشمیر سپورٹس کونسل نے پلک جموں میڈ نائیٹ میراتھن غا تیجا شمارا منعقد کرن غو اعلان کیو۔
۵. تھوک مہنگائی غی شرح مانہ خوراک تے ایندھن غی قیمتاں مانہ کمی غے باعث مزید منفی سطح ور پُچ گئی ہے۔

BIHAR RESULT

سخت حفاظتی انتظامات غے بشکار بہار غی تمام 243 اسمبلی نشستیں ور ووٹوں کی گنتری جاری ہے تازہ ترین صورتحال تیں دسیو جارہیو ہے جے نیشنل ڈیموکریٹک آلانس ریاستی اسمبلی انتخابات مانہ زبردست کامیابی کی طرف بدھ رٹی ہے تے 200 نشستیں ور اگے بندھن جا رٹی ہے تے آر جے ڈی کی قیادت آلی مہاگھڑ بندھن بہار گا تمام علاقیاں مانہ این ڈی اے تیں پیچھے چل رٹی ہے پرشانت کشورگی جن سوراج پارٹی اس سلسلہ مانہ ناکام ثابت ہو رٹی ہے تاہم اس طرح بھارتیہ جنتا پارٹی 95 نشستیں ور اگے چل رٹی ہے جے ڈی یو 85 نشستیں ور ایل جے پی 19 نشستیں ور ایچ اے ایم 5 نشستیں ور آر جے ڈی 25 نشستیں ور اے آئی ایم آئی 5 نشستیں تے دیگر 5 نشستیں ور اگے ہیں میاگھڑ بندھن غا وزیر اعلیٰ غا امیدوار تیجسوی پرساد یادو راگھوپور مانہ بھارتیہ جنتا پارٹی کا ستیش کمار تیں راگھوپور پیچھت چل رہیا ہیں تے گایا قصبہ مانہ بی جے پی کا اعلیٰ ترین لیڈر ڈاکٹر پریم کمار اگے چل رہیا ہیں۔

BY POLLS

جموں کشمیر اسمبلی غا ضمنی انتخابات غا نتائج گو اج اعلان کیو گیو بھارتیہ جنتا پارٹی غی رُکن دیویانی رانا نے نگرہ اسمبلی حلقہ تیں جیت حاصل کری بے دیویانی رانا نے 42350 ووٹ حاصل کرغے اپنا قریبی بریف برش دیو سنگھ نانہ 26647 ووٹاں تیں شکست دتی ہے تاہم اس طرح برش دیو سنگھ جموں کشمیر نیشنل پیپل پارٹی گا رُکن تھا تے اُنہاں نے 17703 ووٹ حاصل کیا ہیں۔ تاہم اس طرح بڈگام اسمبلی حلقہ تیں پیپل ڈیموکریٹک پارٹی غا رُکن آغا سید مُنظر میدی نے جیت حاصل کی ہے تے اُنہاں نے 21579 ووٹ حاصل کیا اُن نے اپنا قریبی حریف نیشنل کانفرنس غا رپکن نانہ 4478 ووٹاں تیں شکست دتی ہے تے نیشنل کانفرنس غا رُکن نے 1798 ووٹ حاصل کیا ہیں۔

LG VANDE MATRAM

لیفٹیننٹ گورنر منوج سنہا نے کہیو جے ہر بھارتی گا دل مانہ ایک اندرونی گانو وے تے وہ گانو بے وندے ماترم اُنہاں نے مزید کہیو جے آزادی گے دوران جد وندے ماترم کسے نے گایو تے

دوجہ دل اس نانہہ گن گنا ویں تہا اس طرح ایک مضبوط رشتہ قائم ہوو جس تیں آج غا
 نوجوان نسلان مانہہ ماں بھارتی گی خدمت کرن غیرغیت دتی جے لیفٹیننٹ گورنر نے اس گل
 گو ذکر ایم اے اسٹیڈیم جموں مانہہ منعقدہ وندے ماترم گی 150 ویں سالگرہ غا پہلا مرحلہ غا
 اختتامی تقریب سنگ خطاب کرتا واں کہی اُنہاں نے کہیو جے ہم نے بینکم چندرا غا خیالات تے
 نظریات نانہہ پھیلانو چاہیے جنہاں نے ماری جدوجہد آزادی نانہہ شکل دتی تے جموں کشمیر
 مرکزی زیر انتظام علاقہ نانہہ اگے لے جان واسطے اُن گا جذبہ غو استعمال کیو اُنہاں نے مزید
 اس طرح کہیو۔

SAMBA VANDE MATRAM

قومی گیت وندے ماترم غا 150 سال پورا ہون غا پہلا مرحلہ گو اختتامی پروگرام ضلع انتظامی
 کمپلیکس ندنی بیلز سانہہ مانہہ مانیو گیو پروگرام گو آغاز وندے ماترم غا 150 سالہ سفر ور
 روشنی کہلن آلی ایک مختصر دستاویزی فلم تیں ہوا اس تیں بعد وندے ماترم 150 سال گی
 تقریبات غے تحت سامہ بھر مانہہ منعقد بکھ بکھ اقدامات نانہہ ظاہر کرتا واں ایک ہفتہ طویل
 سرگرمی گی تصویر کشی کی گئی۔ طلباء نے قومی ترانہ پیش کیا جس تیں بال جزبات تے
 قومی فخر تیں بھر گیو۔ اس موقع ور ترقیاتی کمشنر سانہہ آیوشی سودن نے اجتماع سنگ
 خطاب کرتا واں اس طرح کہیو۔

POONCH VANDE MATRAM

پونچھ غی ضلع انتظامیہ نے قومی گیت وندے ماترم غی 150 ویں سالگرہ غو سال بھر چلن آلو
 پروگرام غا پہلا مرحلہ غی تکمیل ور ایک شاندار اختتامی تقریب غو انعقاد کیو یوہ پروگرام
 سپورٹس سٹیڈیم پونچھ مانہہ ہوو جس مانہہ بڑی تعداد مانہہ معززین افسران طلبہ تے عام
 لوکان نے شرکت کی اس موقع ور پونچھ غی ثقافتی وراثت تے آزادی غی جدوجہد واسطے
 احترام نانہہ خوب انداز مانہہ پیش کیو گیو اس موقع ور ڈپٹی کمشنر پونچھ اشوک کمار
 شرما نے اس طرح کہیو۔

MIDNIGHT MARATHON

جسمانی تندرستی تے برادری غی شمولیت نانہہ فروغ دین واسطے جموں کشمیر اسپورٹس
 کونسل ریل ٹائیم سپورٹس تے کورس غا تعاون غے نال مونالیسا غی معاونت مانہہ پلک جموں
 میڈ نائیٹ غو تیجو شمارو منعقد کرئی ہے آکاشوانی جموں گا نمائندہ غی رپوٹ غے مطابق
 اس میراتھن مانہہ بکھ بکھ دوڑ گا مقابلہ رکھیا گیا ہیں تانجے پروفیشنل اتھلیٹس تیں لے غے عام
 صحت پسند لوک اس مانہہ آسانی سنگ حصو لے سکیں خواہش مند افراد آفیشل پوسٹر ور
 غے @jammumidnightmarathonofficial موجود کیو آر کوڈ نانہہ سکین کرغے انسٹاگرام ہینڈل
 ذریعے اپنو اندراج کرسکیں تے مزید معلومات یا اندراج واسطے 9596798743 یا 7006095269 ور
 رابطو کرسکیں۔

WPI

بھار مانہہ بولسیل انڈیکس یعنی تھوک مہنگائی غی شرح اکتوبر مانہہ مزید کھٹ ہوئے
 منفی 1.21 فی صد ہو گیو بے ستمبر مانہہ یوہ منفی صفر عشریہ 13 فی صد تھی وزارت
 تجارت و صنعت گا جاری کردہ اعدادو شمار غے مطابق مہنگائی غا منفی ہون غی وجہ کھان

پین غی اشیاء خام تیل تے گیس بجلی پٹرول ڈیزل تے لوح بے سٹیل جیسا دھاتاں غی
قیمتاں مانہ کمی آئی بے سالانہ بُنیاد ور ڈبلیو پی آئی فوڈ انڈیکس مانہ 5 فی صد غی کمی
دیکھی گئی بے تے یاہ مسلسل دوجے مہینے وی منفی ہی رہیو۔

PROG ANNOUNCEMENT

علاقائی خبراں آلو شعبو آکاشوانی جموں 16 نومبر 2025 نانہ قومی پریس تہاڑو یعنی نیشنل
پریس ڈے غا موقع ور 25 منٹ غو ایک خصوصی مباحثو پروگرام منعقد کرے غو اس خصوصی
نشریات غو موضوع وے غو جمہوریت مانہ پریس غو کردار یاہ خصوصی نشریات 16 نومبر
اتار آلے تہاڑے دوپہر 12 بجے نشر کی جے غی اس خصوصی نشریات مانہ مارا مہمان جناب
سویل کاضمی ویں غا جہڑا جے روزنامہ تسکیں اخبار گا ایڈیٹر ان چیف بیں تے جموں کشمیر
غا معروف صحافی بیں پروگرام غا موضوع ور اپنی بصیرت تے ماہرانہ خیالات غو اظہار کریں گا
پروگرام گی میزبانی کریں گا مارا انکر جگموہن شرما۔ سامعین یوہ پروگرام میڈیم ویو 303 میٹر
یعنی 990 کلو ہٹز تے ایف ایم 100.3 میگا ہٹز ور سُن سکیں۔

SERICULTURE

رامبن مانہ محکمہ ریشم سازی ضلع بھر مانہ ریشم غی سرگرمیاں نانہ فروغ دین واسطے
مسلسل کم کررئی بے محکمہ زمین تیں بغیر کساناں قبائلی افراداں تے خواتین نانہ تربیت
بور شاہ توت غا پودا تے مکمل تعاون فراہم کرئی بے اس غے نال ہی ریشم گا کیڑا پالن آلا نانہ
کساناں، نوجواناں تے خواتین غی آمدنی بدھان واسطے وی مدد دے رئی بے حکومت غا مکمل
ذریعہ ترقی پروگرام غے تحت 80 تیں 90 فی صد توڑی سبسڈی آلی کٹیں سکیم دتی جارئی بے
کساناں نانہ مشورو دتو گیو بے کہ وہ آگاہی کیمپاں مانہ حصو لیں تانجے نوی ٹیکنالوجی تے
درخواست دین گا طریقہ غا بارا مانہ جان سکیں تے سیری کلچر مانہ بہتر نتائج حاصل
کرسکیں آکاشوانی گا خبراں آلا شعبوہ سنگ گل کرتا واں رامبن ضلع گا سیریکلچر افسر راجیو
گُپتا نے اس طرح کہیو۔
